

愚

齋

存

稿

愚齋存彙卷第六十六目錄

電報四十三

寄廣州張安帥

浙撫聶仲方中丞來電

北京趙次珊尙書爾巽來電

江督魏午帥來電

寄魏午帥

寄美京梁震東星使

魏午帥來電

寄川督錫清帥

錫清帥來電

商部來電

外務部來電

寄商部

商部來電

外務部來電

寄商部

寄京外務部甯魏制台蘇端中丞

魏午帥來電

外務部來電

寄京外務部甯魏午帥蘇端午帥

晉撫張筱帆中丞來電

寄外務部

外務部來電

寄外務部

外務部來電

署江督李勉帥來電

寄李勉帥

外務部來電

寄開封陳筱帥

寄外務部

又

又

外務部來電

寄外務部

又

寄粵督岑雲帥粵撫張安帥

寄外務部

天津袁宮保來電

寄外務部

又

寄太原張中丞

寄外務部

又

又

外務部來電

寄武昌張宮保

寄外務部

又

張宮保來電

外務部來電

寄外務部

外務部來電

寄外務部

張宮保來電

寄張宮保

寄外務部

張筱帆中丞來電

寄美京梁大臣

寄太原張筱帥

又

梁大臣來電

寄美京梁大臣

梁大臣來電

張筱帥來電

寄外務部

張宮保來電

廣州岑雲帥張安帥來電

寄太原張筱帥

寄張宮保



成都錫清帥來電

成都錫清帥來電

愚齋存彙卷第六十六

電報四十三

寄廣州張安帥

光緒三十年七月初七日

粵路多用飛獵濱及印度洋人此皆葛利留下餘孽倣  
處正與美公司理論勒令撤換全工局章本不准洋人  
帶槍美德自知不久於中國一味放縱昨美公司復電  
已勒令交犯乃美德致管理處函全推華人鬧事洋人  
無錯溫道來電觀審時有三洋人承認放槍未知美領  
事有何開釋之理據請催李道溫道詳細速稟必當與  
康使商辦至全工更換大局尊教悉合敝意必當遵照

趕辦目前仍乞密飭地方文武妥爲照料免爲藉口是所感禱

浙撫聶仲方中丞來電

七月初十日

李紳厚祐請築江干鐵路事閱半年迄未據稟明開辦頃又准商部電詢此事覬覦者多務請飭催該紳趕緊籌畫佈置從速稟辦務乞祕密爲要

北京趙次珊尙書爾異來電

七月十一日  
張小圃觀察

並致

巽忝非分惶恐求誨湘路賴兩公維持當臻妥協前奉 慈諭極重興學并諭一切新政決不爲人搖惑彼兄勉爲之

江督魏午帥來電 七月十三日並致伍大臣

俄艦入浦已逾十日迭經滬道照會分別限令出口者准略修理依限出口不願出口者立即拆卸軍裝俄領一味延宕復文既不遵依且並不言一定期限十一日俄領照會滬道言已稟請俄使與我外部交涉頃奉外部文電內言照會俄使久未得復業經再催未知如何竊思此事機關仍在上海俄領雖故意推諉堅不受議然各領意見如何公會運動如何我能消息靈通便可乘機掉運所最急者此時外須隨探日人情形務在多方緩其

衝突二公素熟外交所共欽佩事關中立又值緊迫袁道一人識力究屬有限已電飭隨事仰求指助特專電奉達尊處維鑒愚忱大局幸甚

寄魏午帥

七月十三日

俄艦一案事機緊迫宣正焦急奈自初一起患濕溫症至今尙未退熱病軀不能出外無從相助愧負諄命幸秩翁在滬素諳公法熟外交已函懇其與袁道迅捷妥商辦理事關大局重要苟非賤恙在身斷不敢膜視推諉萬乞垂諒

寄美京梁震東星使

七月十四日

比人司徒來華前曾電阻不遂乃到後擅派人充代理人及管理處洋員等缺弟已聲復不能承認如惠向外  
部進言請力拒勿令比人當權

魏午帥來電

七月十五日

元復電敬悉尊體違和無任懸係幸今早接據滬  
道鹽電得俄領照會轉奉俄廷諭令兩船於十四  
晚七鐘下旗允許拆卸軍器照滿洲船成案辦理除  
電復滬道飭令妥速照辦外特奉告尊處少紓盡  
念用起新疴再文電同悉現因欽使南來萍廠能  
否照前應俟定局再議李在英與彭脫約定辦法

似只可與約以後如何函電相商須全作活著以  
免後有糾葛祈轉電告知爲荷

寄川督錫清帥

七月十六日

川中旱災如此之甚軫念之至上海義振久成弩末尊  
處必須擇其尤重者先派妥員查放急振做處先行籌  
墊規銀五萬兩交天順祥電匯我公十年前在晉手拯  
災黎無數自能篤信義振辦法隨查隨放不至坐以待  
斃以不均爲均亦不至以次貧冒充極貧做處不再派  
人來川一切懇求台端代爲料理詳細情形仍望隨時  
電示

錫清帥來電

七月十八日

頃奉諫電承墊寄五萬金謹爲災黎百叩循讀尊  
囑尤見救人救溺之至仁莫名感佩弟久知義振  
之實濟苦川省過於僻遠無從懇致今得我公首  
倡慨助當已告明振局省紳此爲江南義振款乃  
以急救最苦之區專放極貧之戶不必歸入官振  
大宗惟川省素患食眾此次災重且廣卽擇極貧  
給振猶慮不繼亦仍盼東南仁漿義粟源源而來  
方能全活企禱尤殷專復謹謝

商部來電

七月二十日



查杭甬一路去年尊處來電尙未勘定此路究竟何時測勘所過地段有無圖說卽希詳復是要

外務部來電 七月二十日

粵漢路事前由湘省派張道鶴齡赴滬商議現在是否議有頭緒此事或主廢約之說謂原約喫虧本鉅趁此機會必應責成廢約收回自辦或主購票之說謂湘省應設公司先將美公司已購之地備款贖回所有鐵路地段均由湘省購備作爲股分並續購小票另與立約聲明除中美兩國人外永不得將股票售與他國人其已售者令美公司

擔承限期購回如不擔承要以廢約二者均爲挽回利權起見亟應籌定切實辦法不得以空言辯駁並切勿誤認爲此開不肯廢約稍涉遷就務希查照認真籌辦以維大局而息物議並早電復

寄商部 七月二十五日

二十四年冬月派潘道學祖伴護英工司拉治自杭至甬時適奉化開礦滋事拉治因病折回旣未定界亦無圖說現在怡和尙未來請測勘謹聞

商部來電 七月二十九日

李厚祐稟辦江干鐵路前准大咨擬請核准並聲

敘該職商所請自拱宸橋造至開口祇能作爲蘇杭甬枝路未便輟轉等語具佩蘊籌前日沈文孫又來催辦日使助之李如不辦勢必爲日所奪當經催詢李商據聲復極願承辦集股已齊惟甯滬草約有蘇杭甬之路歸其承辦大約江干在所必爭是用躊躇云云此事李商能辦可免外人攘奪蘇杭甬草約訂定已久迄未開辦若因此而牽制華商自造之路亦未得情理之平務希設法維持與銀公司熟商妥籌照尊議作爲枝路兩無窒礙俾李商得以尅日興辦切盼電復

外務部來電 七月三十日

現據湘紳電稱路約固當廢而遣福開森赴美運動變爲難辦美公司已站不住現有美商倍次者原訂合同之經手人集富商籌款數千萬元得有美外部允許來華承辦事件之印文所招股東皆著名殷富勝舊公司百倍且與康使海外部均至交能先自疏通若借該商之力與之妥議中國不須籌款費力即可另訂新章收回權利等語前尊處派福開森赴美理論未得要領聞該公司現派比工程師錫度赴滬益滋轆轤倍次係原議合同

之人素與美外部聯絡聞尊處亦願與商量如能  
借該商之力設法挽回自可將前項合同另訂轉  
交該商承辦希妥商電復

寄商部

八月初一日

滬甯正合同第三款第四節本訂明中國人民可自造  
枝路爲幹路之輔助將來蘇杭甬開議正約自必堅持  
此議李厚祐股款已齊祇因杭甬勘界未定慮爲牽制  
應請大部於批准文內切實聲明江干至閘口係短小  
枝路照滬甯應歸華人自辦飭令李道趕速開工一面  
仍由宣熟商銀公司冀無窒礙

寄京外務部甯魏制台蘇端中丞

八月初一日

疊准兩院咨據林道賀峒稟滬甯鐵路在滬接軌利少  
害多必須由淞接展等因當查原稟以濬浦可緩運兵  
有阻爲最要並以吳淞自開商埠業費官款數十萬兩  
專恃軌道通暢多收權利管理沈道敦和係首議開埠  
之員與朱道寶奎同諳洋務檄令切商怡和必應遵辦  
頃據復稱逐節爭駁後據銀公司云造路應舍遠取近  
養路應舍瘠取肥自淞接軌經太倉至崑山路遠地瘠  
貨客稀少由滬接軌經真如南翔等著名富鎮工程亦  
近此路訂明中國產業然銀公司承辦必使購票之人

確見有利益無浮費乃能踴躍中道改議取信何從誠知各大憲爲興埠防患起見不敢不設法通籌原議上海爲總站吳淞崑山等爲分站現擬將貨倉料機廠車廠一切重要悉置吳淞將來中國就該處深水灘地多設碼頭江海貨客悉萃於此埠務自日興盛至調兵運械由內地專車直達海口上海祇是經過洋人無權干預且查現設滬站之處坐落寶山地地公共租界以外林稟尤屬誤會若濬浦另是一事銀公司不便置詞如此籌議實因諳切見商故改吳淞爲總車頭仍就上海接軌不經太倉有利無害英京購票人或不致異議小

票已售懇速定奪云云查此事上年九月據潘道嚴道稟卽電兩院容飭工程司比較工程商務折中會定並揣淞埠不興病在軌路太短茲經沈朱二道數日爭執改爲吳淞爲首江甯爲尾扼江海要領實不僅有益埠務滬站旣非租界所定路線又不經由租地林道稟似多過慮應請大部迅賜核定分電飭遵

魏午帥來電

八月初二日

甯滬鐵路一節旣經檄令沈道敦和朱道寶奎與怡和切商雖仍由滬接軌然原議以上海爲總站者現議改設吳淞將一切貨倉料棧機廠車廠悉



置吳淞上海僅爲經過路綫又不經由租界外人  
既無權干預淞埠商務亦可自見振興且可取信  
於購票之人似此變通辦法洵屬權衡利害斟酌  
盡善應請俟外務部暨端中丞電復卽由尊處照  
議核辦

外務部來電

八月初二日並致江督蘇撫

英使照稱江蘇督撫咨盛大臣索將甯滬鐵路改  
道由吳淞經太倉達蘇州原訂此路由上海過崑  
山至蘇州已於發借款股票時宣布此時萬難更  
改請電貴處查照等因查此路改綫未據咨報有

案除將原照錄咨外希查核電復

寄京外務部甯魏午帥蘇端午帥

八月初四日

部督兩冬電謹悉東電卽是預備大部抵制英使此事  
經督撫合力一爭將全路樞紐趨重淞埠雖同是滬接  
比較權利所收實多務懇端中丞迅賜電定以杜該商  
請口至上年正約批准後條議者多事涉更張是以未  
據報部

晉撫張筱帆中丞來電

八月初六日

據張都司等稟勘鳳臺礦脈深遠已飭擇要購辦  
惟據潘守查有安徽靜樂堂程於庚子年曾購該

縣晉普山放馬坪礦地二畝價百千又大坪溝廢  
窖一座價四百千等語程卽從周軍門公子紹周  
觀察前曾代福公司經辦豫礦此事必有轆轤程  
現在浙應如何詢明購回或入股請公就近酌奪  
商辦地關緊要期在必得並祈示復

寄外務部

八月十一日

宣先聞錫度自美啟行卽電合興不能承認故抵滬後  
始終不令晉見至倍次上年來華卽與密商以美接美  
之法事未就緒不敢揭破倍次現在日本擬俟回滬切  
實與商仍隨時電請訓示

外務部來電

八月十三日

滬甯軌道卽照所擬辦理已照復英使並電蘇撫  
昨英使來照又謂潘道不願購買上海左近地段  
請嚴飭勿得藉端阻礙路工等語希飭該道按照  
合同購備地段勿任延阻

寄外務部

八月十六日

奉元電遵飭購地局潘道按照大部核定軌道指日開  
購交銀公司墊土興工潘道購地向極妥速前因滬接  
滋接會議未定無從着手英使所稱該道不願購買上  
海左近地段實係誤會祈大部照復英使更正爲荷

外務部來電

八月十六日

頃准蘇撫電稱現在既照盛議然有宜商者二條  
一盛議允將貨倉料棧機廠車廠悉置吳淞查自  
淞接軌則貨先到淞自滬接軌則貨先到滬貨若  
在滬卸載則所謂多設碼頭江海貨客悉萃於淞  
者皆成虛詞應請將北來之貨悉運至吳淞卸載  
卽在淞裝運出口方於埠務有益一盛電稱滬站  
現在公共租界之外查滬站雖與英界相隔實與  
美界相連倘日後推廣美界則於運兵必多習制  
該公司只有二成屬英商能否使英美兩國及各

國之權不至再行推廣干預應請聲明立據以上  
二條務祈電屬盛大臣悉心妥籌等語希詳籌電  
復

署江督李勉帥來電

八月二十日

甯滬鐵路由淞接軌既難改議惟該路毘連美界  
將來萬一再有推廣租界則路卽在界內運械調  
兵必多受制於人此事所關甚大究應如何預爲  
籌杜我公智珠在握當有善策務乞妥籌商酌爲  
盼

寄李勉帥

八月二十一日

節從過滬抱病不獲迎話甚歉弼電敬悉此事奉外部  
電卽飭滬甯管理處沈道等遵照端中丞指商兩節與  
銀公司切實妥議俟稟復再電請指示潘道已開辦購  
地矣

外務部來電

八月二十一日

澤道路事英使來照謂合辦煉鐵一節哲美森亦  
願通融和商盛大臣又以此將鐵路合同延擱數  
月不能議立茲奉本國訓條將仿照正太合同所  
擬之澤道合同送部請卽照案奏准並將漢洋文  
合同附送前來查前准尊處五月養電謂須修改

晉礦專條迄今數月究與哲商議若何如已議定  
亦應照正太案由尊處奏明辦理速電復

寄開封陳筱帥

八月二十六日

澤道借款部電英使催急合同將定哲本要挾將已成  
路行車盈虧歸入交盤帳內是我全認及阻其行車哲  
又以一切已備斷難中止爭執數次始允各認一半仍  
聲明未畫押前暫時辦法此事重在派員核實估工係  
大處落墨艷電所商刪除一語恐刪除後則虧我全認  
好在不過數月諒必所虧無多擬請毋庸與爭至改報  
効 國家字樣名義極正韓道能否俟詹天佑抵豫勘



估再准假旋詹卽啟程務請慰留以免詹到諸事隔閡  
並飭韓與利德先議暫時行車章程仍盼電復

寄外務部

八月二十七日

粵漢事先慮美公司不受續約十七款羈勒故派福開  
森商同梁使先見海外部訂議如合興不承爲美國公  
司美政府卽不任保護語氣活動原可爲廢約基礎給  
福第二訓條專與合興分清辦事權限及比人不准干  
預首董惠迪爾面從心違福旋未久比人錫度已到此  
爲他國人干預明證決裂有詞廢約何敢畏難第念此  
路早爲英法覬覦已詳原奏當年伍侍郎訂定美約法

使畢勝卽來詰問謂總署曾允粵南路礦先儘法國告  
以總公司不知此案美國已成之局無可挽回長江尤  
爲英所注意所恐美約一廢英法又來饒舌鄙見必欲  
以美接美一則美政府可以甘心不致袒護合興二則  
可免英法多言患更甚於比股但苦於美商絕無熟人  
嗣聞倍次新集公司倍次者卽係與伍侍郎創訂合興  
原約之柏許到滬密議數次因所遞款目必欲先與他  
項新路方肯接辦粵漢詞近要挾並慮新公司亦如柏  
許前薦之合興有始無終躊躇不敢遽議嗣伍侍郎來  
滬稱柏實可靠可與酌議大部佳電謂所持印文暨所

招股東均屬結實並與美外部聯絡屬設法妥商接辦等因是中外同心以美接美之事准與柏商無疑柏即日東旋當將所商情形隨時電達至合興因做處不認錫度所派之代理人及管理處議員先用公司公電稱係駐美總董所派仍不接待迭來電謂電款告罄非撤回禁提小票之命必停工索賠等語停工卽興訟廢約關鍵旣中外堅持作廢另議接替則停止小票之命斷難撤回復合興電曰前命不能收回須俟中國前爭各節如比國權利又比人干預及工程辦理不善壓制合同所載中國應有轄察之權一一依允方可滿意云料

合與必不服或電康使來部饒舌請大部堅持並告該  
使在美查有轉售比股清單在華顯有錫度干預其不  
承爲美公司確鑿有據望請其電告海外部勿爲袒護  
一面由滬趕與柏商以收夾擊之效並聞康使曾到部  
爲柏許說法以美接美不妨與康使言明爲要真電過  
簡謹再詳陳

又 八月二十八日

福公司事因欲挽救晉礦已失之利堅持廠礦路必須  
同時定議磋商遂費時日中國自辦鎔化廠中英合辦  
鐵礦及化廠合用之煤礦並煉焦爐先後力爭就緒嗣

後部電晉撫電煤礦亦須合辦哲未能允並謂鐵礦合辦請我分認創辦使費告以有合例單據者認開寫不出者例不認此節爭持最久迄未就範語載六月二十四日會議問答刻卽鈔寄鐵路合同已有草稿惟哲稱大王鎮至清化十二英里方造未成哲請先發七十五萬鎊借款小票再行派員估工查帳多少再算我須照買賣章程先估價交帳再定借款票數旣催簽字或將合同銀數空出查實補填此係借款前已造之路以後只有行車之事辦法與正太不同關鍵不外核實估價四字清化至澤州一段係借款後辦工可照正太條款

但因粵漢鐵路事後多所翻議必須事前防範遂款會  
損晉撫函電路工艱費養路無出不可許者八端駁阻  
不得現與哲商將來清澤一路須俟中國與福公司開  
辦晉礦之時估計車腳實敷養路屆時方能開辦並須  
載明合同哲已應允日前亟須派工程司驗工估價但  
用英人恐其偏袒用他國人彼又不願正在爲難適有  
前在北洋華工程司詹天佑由潮汕鐵路辭差回滬現  
已商留擬飭卽日赴豫確估一俟估價後便可定借款  
數目哲夏間赴津頗行與彼堅持必須礦務四條議定  
方能與鐵路合同一氣簽字現在哲尙在津宣病初愈

應俟哲同滙定議如准移至大部訂約候示卽將全案呈送

又九月初一日

粵漢小票照合同存受託公司或售或押須工程司逐節勘估稟奉核准乃能提取前因葛利擅權糜費廣州工程逾估湖南僅勘不辦比股糾葛立志廢約故請梁使函致受託人禁止提票而美公司適有已核未提之票四百萬元亦同被扣留疊以停工索賠等語要求弛禁廢約關鍵全在禁票月前已電請梁使堅持轉致受託公司此四百萬元亦不可發尙無復電應請大部迅

電梁使務照五月初九致受託公司函堅持到底仍乞  
電復

外務部來電

九月初三日

已照催英使轉飭哲美森赴滬到時希速與定議  
卽由尊處訂約

寄外務部

九月初六日

八月二十一函諭敬悉廣澳路章一經核改幸有遵循  
所覓華商韋朗山註冊借款兩條牢不可破又另覓粵  
商林德遠可認華股二百萬惟慮葡商專權各股未肯  
簽定不得不略收主權俾華商允協第一條澳門設立



商會之下擬加並在廣東地方設局第三條擬云該公司資本華葡各半葡股之內並有僑居澳門之華商在內且廣澳鐵路粵地居多澳門甚少是以該公司應照中國新定律例辦法如有與葡國商律大相反背實有不便者准其平情酌理將兩條例意與地方情形合看酌定專條辦理第八款查勘起造擬改皆必須由中國督辦鐵路大臣暨大西洋駐紮廣省領事官預先咨照兩廣總督云以免偏重頃葡使索閱條款已將擬改者送閱將來仍須兩國商董再議能否就範隨時電請核定

又九月初九日

已遵部電與柏許面議承接粵漢事柏仍堅請以六月  
間所遞說帖爲本略曰新公司名協豐允俟中國實能  
註銷舊合同後承接合興所有之權利倘不便作廢協  
豐亦必盡其能力收買股份至足敷管轄辦理粵漢鐵  
路之權因此二事須索酬勞甲廣州展路至廈門作爲  
深水尾站乙三水展路至梧州丙萍鄉展路至江西廣  
信府浙江杭州府並築短路達九江丁湘陰築路至辰  
州戊衡州展路至桂林所有添築新路費用加給小票  
替代合興後沿路礦產准其立約採辦舊合同窒礙難

行各條允稍更改另添應有新款總求簡易妥協如收買股份以至用去各費應請作正開銷先訂草約或先給憑函仍聲明俟中國實能註銷舊合同後方可作准商議此事彼此秘密以免別生障礙等語並據面稱總公司不能定議請將柏意撮要電達大部卽日親賁說帖赴京密商冀早定議云云竊查所索各款內廣州至廈門或汕頭將來在必造之列與其許彼索造不及美國萍鄉至湘潭枝路本來載在粵漢合同之內嗣德使赴部因萍礦有德商借款爭造經與大部商明由總公司自造總公司係借用盧漢之款如美公司真有魄力

俟德款還清似不妨仍借美款以還盧漢宣僅答以粵省至汕廈作爲深水尾站大部或可商允此外各路未便議及並約略與商一到京應告康使以美接美力願中美交誼囑其電告海外部勿祖合興一大部商部議定後卽速同國布置亦須先籌金元三百萬連利息等項以歸合興墊款卽可將已造粵路收回交新公司作抵押事關重大柏許今日已赴京應請大部會同商部主持切實與議是所切盼餘詳另函

寄粵督岑雲帥粵撫張安帥

九月初九日

美公司承辦廣州至三水鐵路工程逾估報帳籠統不

開細數僱用洋匠疊次槍斃人命縱兇不交並有他國  
人附股干預中外交謫部電亦責令廢約徹處停止小  
票被卽停工現正與議停辦後除行車酌留洋員一人  
會同華員管理外凡在路工所用洋人不論距省遠近  
責令悉數撤回餘存材料或歸併一處或分段管理是  
總公司之事以前應付未付工款由其自行理直已用  
民地未給價者由我籌付保護行車弁勇照常留差餘  
須裁撤請照復美領事屬將在工洋人責令該公司儘  
數撤回俟議定停工細目派定管料行車委員再電達  
祈先密飭地方文武會同照料並飭李溫二道妥慎防

範至所切禱

寄外務部 九月十一日

前遵部電與合興廢約只得從停止小票入手業於沁  
電詳達美總董暨駐滬代理人迭以停工要挾做處堅  
持不動昨接粵督撫庚電據廣州美領事函不得已停  
辦工程請將洋人身家財產保護等語復電略曰現正  
與議停工善後辦法除三水一路已行車處留洋員一  
人會同華員經理外凡在路工所用洋人不論距省遠  
近責令悉數調回工上存料電飭總辦李準歸併一處  
如重件不能移動專員看管仍分別記帳已用民地尙

未付價並先前已允補償民產之費由我籌付交總辦  
鄭官應分發行車弁勇照常巡護餉在車腳開支工上  
護勇俟洋匠調回卽須裁撤以上皆總公司事造路工  
程未定以前應付未付工款如土方包工及經費局用  
等項均美公司之事由其自行理直繕給訓條飭管理  
處於十二日開特別議會議畢卽將該處罷撤嗣後辯  
論由代理人與督辦直接面議仍請督撫照復美領事  
趕將在工洋人調回並飭地方文武會同路局購地局  
李溫鄭三道妥慎照料以免滋事云云此事合興必挽  
康使達部請告以該公司先自背約後自停工給票一

事無可再議目前祇請康使電飭駐粵領事以悉數調  
回在工洋人到省遣撤勿稍滋事爲急務並乞加電粵  
督撫分飭印委妥實防範至所切禱仍祈電復

天津袁宮保來電

九月十一日

直災承大君子飢溺爲懷俾災黎同登衽席受惠  
實多感謝無已遵擇順屬災重之區請嚴君等前  
往散放已飭該地方官妥爲照料尊處獨力捐集  
鉅款容專案奏請施 恩

寄外務部

九月十三日

粵督撫復電路工洋人已照會美領事悉數撤回存料



飭印委分投查點看管並飭李溫兩道妥慎防範惟美  
公司積欠工款甚多一旦停辦恐鼓譟滋事請妥籌辦  
法以杜後患云云查給管理處訓條雖有以前應付未  
付工款歸美公司自行理直字樣惟彼因無票停工其  
無款可知粵俗强悍包工皆食力貧民必令向工程司  
算帳慮如粵電別釀巨案非墊款不可湘紳倡議廢約  
籌款尙無着實在粵之工亦無責湘籌付之理再四焦  
思目前應墊用若干祇可由總公司儘數就滬地銀行  
暫時借用卽派大員赴粵會同印委清發了事俟續辦  
時儘先歸還以免滋事是否可行乞迅賜電復

又九月十三日

合興代理人復函略曰貴大臣堅持不讓停放小票築路工程自難續辦定於九月十二日將全工一律停止做公司籌款方法悉因此事傾敗將來定須向總公司索賠云謹聞

寄太原張中丞

九月十四日

前魚電病中未復張都司所勘佳礦務宜速購萬勿惜費程道紹周弟不相識恐一激轉投福公司已託浙省熟人設法福公司耳目極廣聞將派洋礦師赴晉勘礦我爭先着愈速愈妙鐵礦合辦雖訂允尙未畫押煤礦

彼尙不允合辦賤恙漸愈蒙注念甚感

寄外務部 九月十四日

湘紳力主廢約公舉道員張鶴齡來滬代表就伍侍郎  
考察外情謂購票無用不如柏許可靠語有見地與招  
柏商以美接美之意亦符柏初九已赴京擬請大部調  
張道入都並屬粵鄂亦公舉議員隨同訂立原約之伍  
侍郎與商部主持開議應駁之處仍中外堅持藉示中  
國造路專重民權將來辦工亦可多一箝制從前軍務  
處會議路政深知華股難集洋款必借因西例糾合股  
本類設公司故中國亦創設總公司免各國洋商與

國家直接現設商部以商接商實合各國體例柏事爲  
粵漢再造之始基故管見總以就京開議爲是至合興  
構訟宣仍力疾與爭不敢設卸另電詳陳

又 九月二十日

前函所陳與哲美森私議收回晉豫合同其原本一百  
萬鎊約須給與二百萬鎊者似喫虧實大便宜晉撫來  
電宣所派往華礦司勘得界內煤鐵極旺已會商籌款  
購地以佔先着惟聞福公司礦司亦將赴晉勢必執約  
相爭不讓我獨占此等佳礦一山卽值數百萬不當讓  
人然不買同福公司股票無法挽救現託意國洋行密

電羅沙地設法先以商人出名收買羅復意行云可密收股票二十萬鎊通扯約照原價如能買到五十萬利權便得一半晉鐵便得四分之三此大便宜但恐部款難籌如買票二十萬鎊向銀行押借約可得半價必須自籌半價十萬鎊未知可否籌辦聞澤道合同畫押後票價必漲有此機會不敢不告羅候同電乞賜速復

又 九月二十三日

廣澳路合同經伯行京卿與葡使督同華葡商董林德遠伯多祿會商此案係中國特准葡國辦理合同各條多關政令似仍應兩國使臣畫押後再令兩商董會訂

公司合同呈請核准照辦方合體裁所擬首段照會鈔  
附合同後之下改云現有清國欽差某與西洋國欽差  
某在滬將中葡鐵路公司應辦事宜並中葡商董均股  
平權合辦宗旨往復商酌意見相同並飭令中董林德  
遠葡董伯多祿於此合同由兩國大臣簽押後再行會  
商訂立公司創辦合同呈請兩國大臣核准照行令先  
將中國政府允願招商議立中葡廣澳鐵路公司各事  
宜開列於後第一款改所有廣東省城至澳門之鐵路  
准歸華葡商人招集股份設立公司均股平權合辦承  
築此項鐵路經理行車事宜應在澳門設立公司總號

並在廣東地方設立局所其公司名曰華葡廣澳鐵路公司該公司既係華葡商人合辦則凡關係該鐵路公司事宜葡國國家卽不得藉詞干預第二款改該公司祇准中葡兩國人會同管理如違此款中國可將准築此項鐵路合同作廢第三款造築此項鐵路所需用之資本華葡均平各任華商得一半股份葡商得一半股份惟葡股之一半有僑寓澳門之華商並華商之隸他國籍者在內該公司須訂立創辦合同以憑治理該公司各項事宜該創辦合同內必須訂明華商葡商股本權利均平無異因公司股份華人爲多所經地方廣東

居多凡有關係該公司股份及股東權利董事人查帳人及各股東會議等事之各章程必均遵守光緒二十九年十二月初五日之 欽定大清公司商律與所訂立之創辦合同不相違背即可照行第四款尾查勘地勢下加方可定奪四字第二十款之附款第一接管引入下原作車頭應用改供該鐵路應用第二十七款加一節云澳門郵政官局信札包件該鐵路應代運載至中國境內所設之第一處中國郵政官局該鐵路亦不受價值在白使請改尙不止此堅持再四該使亟欲與商約一氣了結始肯就我範圍機器料件一律完稅亦



愚齋存彙

卷六十六

電報四十三

三

思補樓藏版

可遵行白使云若遲擱他人來必不能逐條遵允應請大部與商部速賜核定以便遵示趕辦

外務部來電

九月二十八日

中葡鐵路合同所改各節尙妥希卽照改

寄武昌張宮保

十月初六日

粵路停工裁撤洋人等事已有頭緒美公司來電所失利益須索賠償此開當盡力爭之將來辦法或曰以美接美或曰中美合辦或曰三省分年自辦鄙見總須先廢前約再行會議未知尊意如何

寄外務部

十月初十日

粵漢事前接七月三十電囑勿誤會鈞處不肯廢約並  
令萬勿遷就梁使五月真電亦云合同廢否應政府酌  
核當將廢約從停工入手如何截止小票如何勒限停  
工節次電達頃據派赴廣東襄辦善後之陳道善言稟  
稱洋匠俱已遣撤材料悉已歸併佛山行車派華員督  
理工程欠項亦料理借墊一無浮動是停工二字業已  
辦結卽當遵照鈞電專議廢約現咨梁使略曰續約十  
七款訂明不得轉於他國正約十四款禁止別人行侵  
壞合同之事合興售他國股份過多並已查得他國人  
附股名單是背十七款派非美公司之錫度來華干預

錫度卽別人背十四款至合興造路廣州工款逾估全  
路工程逾限匿帳不報任意濫費縱容洋匠槍斃人命  
匿兇不交竊貲遠遁並種種擅妄壓制中國轄察之權  
督辦爲政府代表業奉政府訓令責使廢約應請貴大  
臣照會美外部註銷兩次合同中美商務正盛想美政  
府亦不願他國人干預侵損也另附密咨專就國際立  
論中政府因與美國交誼敦睦故創辦粵漢時立意專  
借美款今轉售比股過多事權暗屬比人美公司虛擁  
其名將來與俄法承造之路鉤連貫串關係中國命脈  
侵礙美國名譽兩次所訂精神字義一體全失迫不得

已照請廢約七月間美政府照復貴大臣如該公司改其規模辦法不合美政府之旨即可不認保護今辦法既壞規模又改應請美政府認定前次宗旨不與保護云云日內卽擬繕發詞意是否妥協除鈔錄咨呈外祈鈞處迅賜電示

又十月初十日

粵漢擬咨梁使兩件如大部以爲妥協美領事古納將回國擬敘一節略託其帶交海外部彼已密允聞康使亦將回國似亦可託其相助但使美政府不爲袒護將來或涉訟或公斷方有結束

張宮保來電

十月十二日

鄙意專主速廢前約三省分年自辦至以美接美及中美合辦兩法均屬萬萬不可楊度並未見過其人久在日本並無派令駐滬會議鐵路之事

外務部來電

十月十六日

英使前送澤道鐵路合同照請核准查尊處八月勘電謂鐵路合同已有草稿英使所送華洋文合同是否與尊處所商之稿相符本部無憑查核卽希將前次草稿並末次所議情形詳晰分別電咨

寄外務部

十月十七日

澤道與正太不同並須廠礦路同時定議疊經電達前  
因哲美森催訂合同條款就正太刊本逐處增減頃已  
鈔稿並將會議已協未協各條聲註明晰卽日函送核  
對大致英使所送尙係哲一面之議與會議稿不能相  
符管見此事以勘工估價爲重以修改礦章爲急總公  
司所派之詹天佑等來電已到清化應否照原議俟勘  
估後再與哲美森將未定各節一概議定呈請大部覆  
核之處仍乞鈞裁電示

外務部來電

十月十九日

哲昨到署面議澤道合同謂道口路工未竣價難

定准但照合同第十七八兩條辦法亦屬公允俟  
合同簽定後先售小票六千張餘俟價值定准再  
行續售倘有盈餘亦可歸還總公司當告以詹天  
佑已經抵豫應俟勘估確實再定合同渠已應允  
惟催詹速勘至鎔化廠條款並無更改渠亦允與  
合同一併畫押合辦礦務一節正在磋商希先飭  
詹工程司迅速查勘俟路價估定再行核辦

寄外務部

十月二十日

已遵皓電電催詹天佑迅速查勘惟查帳估工係屬一  
事兩舉哲美森前允外洋購料各帳均可寄滬彙查詹

電云英工程司允交在華用帳已飭將各款目總數鈔單帶滬以備查閱若詹工程司所估之價伊尙不服便須查核原帳方能妥貼

張宮保來電

十月二十日

承示粵路停工廢約辦法當於文電奉復計已達覽美公司違背合同其曲在彼只能三省及美工司公同核估修成之路實費工料若干照數繳還安得向我索償所失利益務懇尊處力爭嚴駁勿稍鬆勁三省官紳斷不認償此費想卓見早已籌及也祈電復



寄張宮保

十月二十一日

鐵路分年自辦實是上策既免出利息扣頭又免許多  
浮費至於自保主權尤其大者然非美公司違背合同  
安能激勵輿情籌此鉅款亡羊補牢猶未爲晚此全仗  
我公首創其端宣敢不奉令惟謹美公司交來帳目先  
已擲還正爲嚴駁地步決不鬆勁目前當以銷廢合同  
爲第一義咨梁大臣照會美外部明密二件另鈔咨呈  
寄外務部

十月二十一日

香帥電謂鄙意專主速廢美公司前約由三省分年自  
辦至以美接美及中美合辦兩法均屬萬萬不可等語

此義尤痛快聞美公司總董繞由英國將到中國似宜先發制人卦電所擬咨請梁大臣照會美政府明密二件未蒙電復大部諒以爲然二十四日卽擬繕發矣

張筱帆中丞來電

十月二十三日

福公司路礦之議究定約否現據鳳臺縣報哲美生由豫來晉旋又赴豫應購礦地不宜再緩弟已飭司撥還商本銀三萬由收地商會購買惟款少地多不敷應用尊處如能酌撥勘礦公司股款協助購辦當可擇取精華免落後着又據潘守禮彥稟稱福約第一條載明孟縣平定潞安澤州與平

陽府屬煤鐵潞澤均無屬字平定盂縣另行提明  
卽爲潞澤不連屬縣之證能否據爲辨論保守之  
處幸祈酌奪示復

寄美京梁大臣

十月二十三日

請再警告受託公司合興未提票四百萬斷勿准提因  
現停工定須廢約

寄太原張筱帥

十月二十五日

養電屬商酌撥勘礦公司股款協助購地實屬兩益但  
如何給予憑據將來利益如何分承乞詳示以便轉飭  
該公司酌議

又十月二十五日

暫在滬議定鐵廠華自辦鐵礦及鑄鐵煤礦華洋合股  
辦清化至澤路須俟鐵礦開辦約敷養路再行借款照  
正太章程辦已將成議昨外務部來電暫赴部直接想  
迫於英使之意此間議稿已送部核辦潘守所稟潞澤  
不連屬縣重讀與平陽府之與字則屬字專指平陽大  
可辨證查洋文所載稍異惟一屬字關係極大已電請  
外務部裁酌

梁大臣來電 十月二十七日

滌電遵現美人迫比退股函詳

寄美京梁大臣

十月二十八日

外部照會康使並交香帥准欲廢約美廷允否合興用  
帳逾估難認

梁大臣來電

十月三十日

外部言美股東迫比退股已電康使宜稍候等語  
公司屢失信何能久候果廢約希籌湘粵自辦外  
洋公司多變幻不足靠

張筱帥來電

十一月初五日

晉紳商設立商會已領庫存商本三萬往鳳臺高  
平購地並勘地戶入會地不外賣自較價買爲多

勘礦公司即可撥款速來買地地契卽是憑據但  
能多占礦地最是穩着以後分辦合辦再與晉商  
會酌議屬字專指平陽一節外部能否辨證程事  
問詢如何乞並復

寄外務部

十一月初六日並致鄂督張官保粵督岑雲  
帥粵撫張安帥

接廣東行車監督溫道宗稟現路工洋人因美德尙  
欠兩月薪工未發潛行往滬大爲鼓譟羣向美總領事  
稟告領事卽將車路存項及每日進款封禁除行車日  
需之款外不准取用以備償了債案應如何對待請示  
辦法等語查路工已撤各洋人因總工司美德欠發薪

資聯名控告業飭美德於初六晚赴廣州逐項了給卽  
實因款竭必須總公司籌墊亦須被告之美德電稟到  
滬乃可商辦請大部詳告康使請督部堂撫部院詳告  
駐粵領事不可將車路存項及每日進款封禁以免別  
生枝節仍祈電復

張宮保來電

十一月初八日

初三日奉到 廷寄十月二十一日奉 上諭御  
史黃昌年奏請挽回路政一摺粵漢鐵路關係緊  
要現在合興公司正議廢約應卽另籌接辦著張  
之洞悉心核議妥籌辦理以挽利權等因欽此合

興廢約台端責無旁貸務望切實妥籌必將此約作廢而後已一切辦法仍祈隨時電示至盼除咨行外特此電達

廣州岑雲帥張安帥來電

十一月初十日

車路封款事已派員向美領事詰問據稱合興係美公司照美國律法應如此辦理殊非得已美德不日可到如能與各原告調處了結立即揭封等語合亟電復

寄太原張筱帥

十一月初十日

前託浙江洋務局許道鼎霖轉詢程道紹周據稱實係



已產與福公司無涉曾聘礦師鑒驗煤層十五丈佳礦  
不願輕棄若入股可遵照或按出煤噸數酌給股銀若  
干或按餘利酌給利益請示尊處再商云候電示須屬  
程道來滬商定鄙見重在不歸外人餘皆可酌

寄張宮保

十一月初十日

中外公議廢約宣職在涂人尤無畏難卸責之理惟合  
同奉經批准廢約應奉 明諭現幸鈞處已接 廷寄  
擬請公電梁使以示 朝命必行略曰洞奉十月二十  
一日 上諭合興正議廢約着悉心核議以挽利權宣  
查合興顯背合同必應作廢如十月二十三漾二轉電

原文云云似此合力爭廢較宜單銜咨會梁使仍須電請  
朝命者步驟較緊名義較正是否可行祈訓示

成都錫清帥來電十一月十一日

川路係奏明自辦勘路工程義應專用華人前由  
慰帥代懇台端邀詹君天佑來川承允至感專盼  
速來惟需才既多且亟聞留美學生胡棟朝陸耀  
廷路學已成擬乞飭令來川辦事每月給薪費銀  
元四百元我公樂育英才殷懷大局川路重要借  
才之請必荷玉成無任盼禱又學生王寵佑如肯  
前來並爲羅致敬懇候復

思齋仔橐卷第六十六